



ГАЗЕТА 1931 ПО' АПРЕЛЬ ИРЫ' ЮКАД ВАТА ХАСАВАЮДИМДЕЙ ЯЛЯХАД ҢАДИБЕРҢА

СИ' ИВ ЯЛЯХАНА ҢОПОЙ' СЕРТАБИВА'

Мэбета вадава" ила' панан' етри' мэква"!

НЯРЬЯНА

ҢЭРМ



№ 5 (5227)
2025 по'
Февраль иры'
1 яля

СУББОТА

Российская Федерация Ямало-Ненецкий автономный округ



Сидяңг. А. Яптик' тадгавы

Марад' илам' торомдамби"

3

Ңатенава"

Тадри' округна" тиҕывна ты пэртина" сянакова' яля" пэңгуд". Маня" сяхаринда ёльце җатесетына", теда' җод" яля җани' толабина". Яра иры' пудана яляхана нюртей сянакова Надым маркана җэңгу. Тадҗо" Ямална" тиҕывна ервона" мале нуда' тер хамедамби".



Сидяңг. М. Ярой' тадгавы"

Тюку по' ехэрана мутры мипаңгу". Тарем' хаби" яхана Шурышкарской районхана Ханты-Мужи җэсыхына җэванда сянакова' яляханандо' нерня' ха"муванда ненэця" җуда' терҗэ квадрокоптерм' ня"маңгу". Тарця иңудм' Паюте"э' няна мюсерта" ты пэртиа" округна" ерван' вадемыць. Тыдо' ма"ламба мэ"эйдо'. Тю"уд маниеб", ханя' хэвадо' сававна җади, тадҗо" варта тэхэна саванэ вадемҗадо'.

Приуральской районхана сямянхат ва"лэй ненэцяндо' җани' тарця җуда' терм' ня"маңгу. Яханандо' мале җахакуй похона мэць пявыдо'. Ненэся луца мутры саву"мыдонзь.

Тазовский районхана мядонзэйдо' яңгаңгу". Таняна сяхаринда мерета еся хано нерня' ха"амвы ненэцяңгато' мипасеты". Тюку по' җод" җани' тарця җэңгу. Районханандо' мале ю" «Буран»м' тэмдаванзь пэрҗа". Теда' җахакуд тасла-

вы яхат тэрабидо'. Тикыдо' тодо нюдяко харда"мна тяртыдо'. Яханандо' Хальмер" Седехэна, Паютехэна, Ңэдяңгана сянакова' ялэдо' мэцеты".

Мале сян яля хэ"мяхад нина" ядабтаванзь тодо я"амна җэдалаңгува". По' тяхамбавы няхана" саць маямбаңгува".

Марина Ярой' пады

Мядо НЯ"АМВЫ"

Сидя сян по' тяхана җули" тарана сер" җадимьясь. Нюсавэй мяд' терха" җанэдэда мядо мипа пяць. Нерде' нес ненэцяңг' няхар" нуди' җэбта тарась, тикы' пуд яңгамдадонзь. Нябимдей нудо' ховы" мяд' тер" теда' җани' мядо ня"марпи". Тарця ватом' вы' тер" җэвахы ервахана" харто' хэтивэдонзь.

Тикы" нина" невхы иринато' ила' саирм' нэдабато' серо"җа. Мале сян по' ямбан' җока мяд' тер" тарем' мядо ня"ма". Хэвы си"ив яляхана Приуральской районхана тюку по' нердена мядм' ми"мыць. Районандо' ерв таслахая харта ми"мыдась. Сидя мяд' тер" тадри' едэй харе" мякандо' тюңгу". Тикы" – Яков, Нина Ледковха' няби Владимир, Ирина Худихи'. Теда' пыдо' нисянато', небянато' мякана иле". Нара' някуна едэй мядодо' мяраңгудо'.

Мято' хавна ненэця" ханодо' таян". Мядото' мюня хусувэй җанэярто' хамеды.

Марина Яр' пады

Ямалхана «Год героев» миҗа

Лимбья' иры' сидяю" няхаромдэй яляхана округна" җэвахана мэна ервава" Ямалханана" «Год героев» пом' пявава" вадемҗась. Саляңгардхы илебей" ненэцие" е"эмня таславы мякана сидя юр" пир" ненэцям' ма"лась. Тикы" поңгана ява" лэтрамбадаңэ таравы" няби мядото' тер", яна" серо минрена" ерв", «Движение Первых» волонтер", кадет", «Юнармия» хана мэна", тамна җани" таром' ха"аврамбада" мэць.

Тюку по' хурка серо җадимде тасламбавамдо' Дмитрий Артюхов хэтадась. Пыда тарця вадимҗась: «2025 пова" нянана" ненадорка. Ңарка хэбидя ялям' мэтава". Победа'

яляхад сиднет ю" по" хая". Невхы" иле"мя" тяхари' минзь пэяд". Иринана" таром' ха"авра"мам' лэтрамбаба"на", пилибт" тенебнана" серо"җа. Пэрмы серто' теда' СВОхана мэна" нина" минредо'. Таддикахад сидя маркаюна" Ноябрьск няби Новой Уренгой җарка соя"ма' ялэди' мэтҗаха', самляңг ю" поданди' ханда. Тарем' таслаб", поңганана" Ямална" ед' сейдо' нярканана" җока", пыдо' нямнандо' лахана, сиддо' манэ"лабтамба тара".

«Год героев» похона җока сава җамгэм' җадимдеванзь тасламби", җокханда самляңг юр" мян' җэванзь пэрҗа". По' ямбан' ява" лэтрамбади, Ңарка сайнормахана нядаңговы, Ңэрм' ям' нюртейҗэ савумдамба пявы,

яхана" таром' минрена" ненэцие савута", иле"мидо' няна" вадета". Тет ян' тярмы манзаям', программат сертабаңгу". Округна" тиҕывна җэванда" серкат ямал100.рф сайтхад намда пиртада", юн" яра' ирыхыд таняна җадиберць пэңгуд". Тикахана харе" харвабцом' пада, хибяхав иле"мям' вадець җани' сава җэңгу.

Ма"люрмандо' мальҗгана тет ненадо яна" терм' хамыць. Ненэцие маяңгат нядабада Степан Чумак, сайнорма' по' ёльцяңгы манэ"мы Раиса Лашко, СВОхана мэвы Александр Шлюшинский, юне тэволана Виктор Мурзин иле"мито' нямна лаханавыць.

Анна Яптик' пады

Халядана" таңгм' ехэра"



Сидяңг: М. Яр' талтавы"

Халядана" ненэциена" таңото', сырито' планм' томдаба варемдо' мэ"ңа". Тедахарт салабанда няңоро"махад тарем' һод" таславы манзаидо' сертабто' тара. Тикахана тецьдахана нуда ханиво"махад ехэра". Ня"амнандо' тарця юн намдаваць.

Теда' округханана" ватаңгода" һани' яңга' сихито' тэввйд". Шурьшкарской район' няна ООО «СП «Горковское» халядана"

хане мэта мирвадо' ит' пядвудо'. Пыдо' техэ яханандо' поңгари ни" мэс". Карвожгорт хардакото' няна Ѓарка, Нюдя Саля яв' лаңг' хэвхана ватаңгурҗа".

Нюдяко" хардаха"на һод" халядани" предприятийха"на манзарана" һани' тэри ни" һамдо". Пыдо' таңы ватаңгован' хамеку". Поңгадо' сэдорпи", һанудо' сулорпи", тамна һани" тарана серодо', та' мэ"мандидо' тидхалемби".

Приуральской районхана

лимбя' иры' юкад вата самлянзимдей яляхад мале няхар" ю" тонна халям' һыдавыць. Пыдо' Харсаим', Ям-бура', Товопогол лаңг' хэвхана ватаңгурҗа". 2025 похона Аксарковской предприятий 680 тонна халям' һыдаванзь тасламби. Тикахат палкур" – сиднтет ю" сиднтет тонна һэңгу, пайха – мат" ю" самляңг, тамна си"ив ю" – тэри яёл" халя". Небо' юр" тонна пайхам' хадаба һэдаравыдонзь,

идюрця – си"ив ю" тонна һэвысь.

Сяхаринда округханана" сие ниць иры' һэсонд' си"ив юр" тонна халям' ватасеты". Тюку по' һод" һани' тарем' ихиняңдо' тасламбидо'.

Марина Яр' падвы

Есьдо' ня"марпи"

Ямалханана" ханяңы" предприятийха"на тамна тыдо' хабарпидо'. Ѓыдавы" тыто' һамзи" няю' есьдо' ня"марпи". Тамна' тяха' ты" пэртяха" тыто' няю' һатевдо' салдамбаңгу".

Ты" пэрти" серо тидхалембада департаментхана манзарана" вадавна хэвы си"ив яляхана мале 2025 похона яханаванди" ня падродо' тидхалембавы". Тикыдо' серта"махадандо' есь һэдарами". Пуна' ты" пэртяха" ми"мандидо'. Небой поход хэвада сава һамзам' самляңг юр" есявна ня"марпидо'. Теда' округханана" мале сян предприятий" сырэй

хабартавамдо' пявы". Ты" саполана иры' пиркана манзара һэвадаңгуд". ООО «Тазовские олени» һэвахана мэна Алексей Рожков тарем' мась:

–Тюку по' маня" лимбя' иры' 13 яляхана хабарта пэйнаць. Яра иры' нюртей яля' пиркана ёльцеңгуна". Ѓокханда няхар" ёнар" си"ив юр" тым' тэмдаванзь тасламбива". Няхар" ёнар" Паю-техэд һэңгу". Небой пона" пир". Ѓокамдо' харто' илена" ненэця" тэврамбидо'. Ѓопой яляхана тыдо' хабарман' харванахат хасаво ю" ненэця" падродо' падуванзь тоць. Пыдо' мал" тыто' няю' сава есь ня"маңгу".

Ямална" тиңгивна небо' няхар" ёнар" няхар" юр" тоннам' һыдавыць. Тикахат Тазовской районханана" сямяңхат һокам', 1028 тонна ты" һамзам' томдавы". Пыдо' поңганандо' «Тазовские олени» предприятийхана 925 тоннам' һыдавыць. Яханандо' няхар" яхана хабарпавыдонзь. Ѓокаюм' тыто' хэвдо' сава" һэвыць.

Маня" ненэциена" саць тарана һарка манзаям' минре". Тикандо' няю' тарем' һод" һока есям' ни" ня"марпию", хусувэй по' сидто' няд"мяць яханана" предприятий" планодо' томдаби".

Ты" лекар" манзаядо' һади

Тюку по' округханана" хабартава' мальңгана ты' һамза" һокаюм' пелядо' хэвадо' сава һэвы". Тарця һэванда няю' ты" лекар" мянуннандо' һани' таром' ха"авравы". Пыдо' небо' 84 ёнар" ты" һамзам' манэ"мы", юкад вата мат" хабарталваха"на хабцяңото' танявам', яңговам' тасламбавы". Пудана самляңг по' сер' һани" похо" тасла тикадо' саць һока һэвы.

Ты" лекар" тарем' тасламбидо': «Халы' хабця" пудана по" тяню"мя». Ѓадьбята хабартава' мальңгана ты" һамза" һокаюм' пелям' мирдапа һэдарамамбавыдо'. Хабарталвахана манзаравандо' ёльцеңгана яхавы" ты' ёльце сававна манэ"сарьядо'.

Яңганавандо' мальңгана ты" хабцясыва' няю' пыдо' пилю" пардон мэ"мы", хуркари" ехэрана" хабцяңгат яңганавы". Тикы' хавна малкошь вэнодо'

нивыдо' юрыбю", тикыд тэхэ"на мэна" ненэцяңга"на һани' саць тарана". Вэнекохот ты" хабцяңо палабтамби".

Һэрэй хабарталвахана округна" тиңгивна самляңг ю" ты" лекар" манзаравы". Хусувэй яля' пыдо' няхар" юр" тым' манэ"сармы". Сидто' няд"мяць маня" хабцяңзяда ты" һамзам' һаворҗава".

Марина Ярой' падвы"

Лекар" юн

Округна" һацекеы" е"эмня едэй мутратна һамгэм' тэвравыць. Тикы «отоскоп», хаво" хабцяңо хомба мэта. Лекар" мядо"мана ханпато', хаңгулавыто' хаво манэсарць ширта".

Отоскопм' мэць хаво хабцям' тасла"махад, һацекеым' тамна' тяха' оториноларинголог нубета лекаран' падаңгудо'. Сяхаринда һаябэй һацекеы", һопой, сидя потна" хаводо' саць едесеты". Ход' тебм' мэта", сёёдо' едяна" һани' манэ"сартыдо'. Ямална" тиңгы" хардаха"на отоскопм' мале мэ"һадо'.

Ѓокхандаюр"мат"ю"самляңгмутратна һамгэрим' лекараха" ми"мы". Пыдо' хурка һэвамдо' мале тохоловэдо', мэць пирьядо'. Нядаңгардахана самляңг по' ямбан' тарця һавэ мэ"мы". Ѓадьбято' таминдо' һани' едэйдамдо' тэмдавы". Мер' хабцяңо хомбавандо' няю' һули" саву"ядо'.

Пудана" мат" по' ямбан' Ямалханана" лекар" мяк" юкад вата сиднет пир" тарана" һавэ тэвравыць. Тикы" – МРТ, КТ, тивак, сёңзя' мюйм' манэсарць мэта", маммограф", рентген". Тиканда округханана" хабцяңо сибдамбавахана манзарана" департамент' тер" ханзели" лекарана" серо тидхалембидо'. Хуркари" лекар" манзаяха"на тарана" едэй" мутры тэмдаби".

Руфина Окотэтто' падвы

Марад' илам' торомдамби'



«МЫ РАЗНЫЕ, МЫ - РАВНЫЕ»

Ямал' тер' ненэцие' поңгана Санаторно-лесной школам' ехэрана яңгу. Сяхаңгав' таяна тохолковы, илевы, манзаравы жока. Хусувэй хибя тикы иле'мямда тенеда, жобаңгэв' ивхалпида. Ил' нерняри' миңа, по' хан'ма' нянана' ни' со'. Теда' мале школа жахатанда то'олха ни жа' – яңга.

ГОСУДАРСТВЕННОЕ КАЗЕННОЕ
ОБЩЕОБРАЗОВАТЕЛЬНОЕ УЧРЕЖДЕНИЕ
ЯМАЛО-НЕНЕЦКОГО АВТОНОМНОГО ОКРУГА
«ОКРУЖНАЯ САНАТОРНО-
ЛЕСНАЯ ШКОЛА»

Хар'на' помнана' «санаторка»нэ ваде-цетыва'. Хибяхав ехэрана нямд хоб'нанд няданда хонаркодан: «Санаторкахана мэсан?» Нянд «жаха» вадам' хэтхаваб', лахарёри' ёльце ямб нэңгу, ниди' похо' теневавырахэди' нэңгу'. Мань жоңгуна тикы школахана жаңи' тохолкудамзэ. Жадыбьята таян хэван' харвасетыдм', тамальүгана манзаравы ненэцие манэцэ тасламбасетыдм'.



Тандая' санаторно-лесной школан' тэворжадамзэ. Тет яңорэй' пирця харад хамэдава' то'олхахарт ни жа'. Пиняңэмда, мяняңэмда ёльце сававна сулормэдо'. Жахатахаданда жарковна несэймдавыдо'. Жавахаванда илесеяриңэ тарасэ, школава' хаяхэ хэвхананда жаэ, тедажав' нэ'мярида яда. Тамальүңи' похо'на манзаравы ненэцэ' таянвысь. Яна' тиңгывна Григорий Лазаревич Вальгамоём' теневаана жока. Иланда ямбан' жаэкекы тохоломби, воспитательнэ тара. Пыда тарем' масэ: «Жавна манзаравэхэт маньрин хайдамзэ, несэй илам' пям'махадана' жахат ня'м'нини туюкоход мал' хаяцэ».

Школандо' нэвахана мэна ерв' марцэ'нэ тарана не Ирина Анатольевна Огородникова нянани лаханакованда сер' тарем' лаханасэ:

«Тодо' ирыхына несэй жаэкекы' туржа'. Жахакудтохолкулавахато' вадам' нэдарасетыва'. Падарм' ня'ам'махадандо' хибям' нэдаравамдо' харто' тасламбасетыдо'. Жаэкекы хурка сменан' тован' харва-тарцям' тэраби. Нюдяко' хардахана илена ма'ламбива', маркана иле тохоломбива'. Туюкохона'мэвандо' ямбан' урокадо'».



нэсеты'. Яля' ер' пуд нудаха'нато' жаңгэхэби сертабасеты'. Хусувэ-хэт тохоломбадидо' жошто'лас нисеты' жа'.

МЯДОТО' ТЕР' МЯДОНЗЭЯД СЕРТАВЫ'

Не жаэкекы' полимерной глинахад мараңгарха хаволя сертабицэ. Сиддо' тохоломбададо' тарця вади мэ'нась:

«Тохоця, мярэй, глина, фоамиран тэнэхат' жаңгэдики сертабива'. Сяхари' теневабцодо' илаңганандо' тараңгу', мякандо' тэв'махадандо' харто' ивнандо'».



сэдораңгу', паңгалтаңгу'. Харе' манзаякудо' мядонзэйдаре'в' мипа, мирдапа пиртыдо'. Нё-лёко' нухуко' мядиком', туцяком' сэдаба, брошкам' сертаба тухуцэ.

Мел' некоцида табедамбаваханда вадамда школа' ила' нямна ханадасэ:

(Пелямда 8 стр. толаира'.)

НЭРМ' ТЕРКОЦЯ' НЮДЯКО ХАРДАХАТ ТОВЫ'

Ямална' жарка март' няхаромдэй, тетимдей классахана тохолкода' товыцэ. Пыдо' «смена»ндо' нюм' – «Мы разные, мы – равные». Лимбя' иры' 13-29 ялэ' ямбан' Саянгардахана мэцэ. Жокаханда сидя ю' тет жаэкекым' Панаевск', Новый Порт', Сёяха', Овгорт' няд, тамна жаңи' хардахат ма'лавыцэ. Сиддо' харто' харвабцовнато' няхар' ян'тярмы': «Спортивные игры», «Керамика», «Декоративно-прикладное творчество».



Сидяңг': А. Яптик' тадтавы'

Анна Яптик' падвы

Невхы иле”мям’ тенева”

Нямэхэна Салехардава” «Город трудовой доблести» едэй нюмам’ мэць пясь. Тикы няю’ «Геолог» нюбета мякана фестивалы’ сертабиць, невхы” сайнорма” по” мальнґы илам’ ваде”наць. Тамальнґана мал” нядаңговы”, хибяхав халям’ хадабавы, ханевы, ембдяро сэдыбавы. Предприятияха”на манзарана” таңгхад ехэравы”.

Нерня’ ненэця” концертм’ маниець. Марад’ нэвахана мэна ерв Алексей Титовский турґась. Пыда вадамда хэтась:

—Саць ненадо маркана илева”. Маня” хардана” хавна Полярный круг нюбета яхана нэда янґу. Теда’ ґани’ нопой ґарка нюмда ґадимя, тикы сидна” тамна ханяцей” пуномдамби. Тарця нюмам’ мэ”мава” хусувэй яна” терхад минда сер”. Җавна иринана” таро ґани’ я”авлавы, пыдо’ илна” сава нэва’ е”эмня варемдо’ мэ”мы”. Неноховавна ява” лэтрамбавы”, тоенана” по” ёльцяңгана сямян таяна ныхымдо’ садпавы”.

Сё мэтахана” инзелева’ хавна янґа лохо’ мюня хуркари сава серо минрець. Ханяңы” ларасакодамдо’ мимбиць,

ихибцяито’ хэрнари” соць. Сяхаңгав’ бондарно-ящичный цехахана халэ” нэси, сэрабтаңго мэта ед, ханюй халя’ ларасад мимбавы”. Лар’ яха’ вархана нэда лесотарный заводхана манзаидо’ нударихи”на сертабавыдо’. Сайнорма’ мальнґэхэна ненэциедо’ тянёлереңгавы”, тикахад тарем’ нод” планамдо’ томдабавэдо’.



Сидяңг.: А. Яптык’ тадтавы”



Лыңгарё мэта поңгам’ паңгалпада” ґани’ тэтнаць, хэвандо’ нэсонд’ манзаямдо’ ёльцедонзь.

лэтрамбадаха” письмо падыбиць. Җахат печатной машинам’ ґадимдембиць, паднана тэтнавы,

таминда тид” паднабта таравы. Ява” лэтрамбада” е”эмня таславы лохо танясь. Хусувэй хибя СВО’ няна мэнаха” җамгэхэв тарана җамгэри тэвра пир”ґась. Ява” лэтрамбади” мяд’ тер” Советхана мэна” харе” нудаха”на сэдвы җаво мирдапиць. Ма”лавы” есьдо’ яндо’ хэвняна мэна няхато җэдараванзь пэр”ядонзь.

Тарем’ Салехардаханана” ненадо’ серм’ ядабтадонзь. Тад нерня’ тикы нюм’ няю’ ґани’ җарка таром’ ха”аврамбаңгува”.

Җанине Яптыкы’ падвы

Таром’ ха”аврамби



Сидяңг.: yamaiv.ru няд ханавы

Округханана” ява” лэтрамбада” нина” е”эмня нядаңгован’ харвана” ненэця” җока”. Марка”на, нюдяко хардахана”на тэмдавы”, нудахана сертавы” саць тарана” җавэ техэ ян’ нэдарамби”.

Ямальской районхана Сёяха хардахана ила’ саир’ нямна манзарана хардадо’, «Дом культуры» нюбетато’ тая. Таяна «Для СВОих» нюбе-

та проектм’ минре”. Ныланавана’ яляхана сайнормахана мэна” няханато’ тараванда” җамгэ сертаванзь ма”люрґа”. Хуркари” ле”ной сертаби”, лыңгаңэ мэ”манда” поңг, носок паңгалпи”. Тохолкода” җацеки”, ненэця” мяд’ терсавэй” нядаңгованзь турґа”.

Җаркамбой” ненэця” ґани’ тарця серкана таром’ ха”мола”. Җопойдо’ – Анатолий Очевич Вануйто. Пыда харад мята мюня сайнортаха”на тарана” поңг паңгалпи. Ханзер” панорць таравам’ тохоловэда. Ямална” нэвахана мэна ервана” вато” сер җадимдевы грант’ есяха”на «Небяни табеко» общественной организация’ тер” паңгалмандадамда тэмдавы”. Манзаямда нули” савамбовна, нензел”мана тидхалембида. Харта инда ватохона тарця серм’ минреванзь таславэда. Паңгалмыда ява” лэтрамбада” няхана” волонтер” ханлэйдо’.

Анатолий Очевич пенсияхана мэ, хабцянда е”эмня мякнанда җамды. Тедахав’ ядэрма нянанда тоена. Мяд’ мюй җамгэри пэрць нида нядабидо’. Җавнанда харбё, ва”лэй ненэць



нэвы. Тарем’ хусувэй сертаванда манзаям’ таминда тидхаленґуда.

Ява” лэтрамбада” нина” поңг харто’ лыңгадандо’, еся ханото’ синд”мянэ мэ”эйдо’. Яхадана” нядаңго хуркари” җамгэри нэдарамби”, тикыдо’ нянандо’ саць тара”.

Окотэтто Руфина’ падвы

ОБЪЯВЛЕНИЕ

СЛУЖБА ПО КОНТРАКТУ В ВС РФ

ПОЛНАЯ ИНФОРМАЦИЯ ПО ТЕЛЕФОНУ
☎ 8(902)81-6-11-90
ЗВОНОК ПО РОССИИ БЕСПЛАТНО

ВРЕМЯ ДЛЯ ВАЖНЫХ РЕШЕНИЙ!

КОНТРАКТНАЯ СЛУЖБА
6 200 000 Р
ЕДИНОВРЕМЕННАЯ ВЫПЛАТА
3 500 000 Р

ПРИ ЗАКЛЮЧЕНИИ КОНТРАКТА НА ЯМАЛЕ

Призываем с других регионов, возмещаются затраты на проезд от места проживания до г. Салехарда. В период оформления проживания в г. Салехарде бесплатно, 3х разовое бесплатное питание!

ОБУЧЕНИЯ:

- ✓ ОПЕРАТОРОВ БЕСПИЛОТНЫХ ЛЕТАТЕЛЬНЫХ АППАРАТОВ
- ✓ ТАКТИЧЕСКАЯ БОЕВАЯ
- ✓ МЕДИЦИНСКАЯ ПОДГОТОВКА

3 100 000 Р ЕДИНОВРЕМЕННО ОТ РЕГИОНА
ДО 120 000 Р СЕРТИФИКАТ НА РЕАБИЛИТАЦИЮ

400 000 Р ВИНДИТЕЛЬНОСТЬ ОБОРОДОВАНИЯ
ЗАКЛЮЧЕНИЕ ВОЕННОГО ОБЯЗАТЕЛЬНОГО КОНТРАКТА

ЕЖЕМЕСЯЧНЫЕ ВЫПЛАТЫ ПРИ НАХОЖДЕНИИ В ЗОНЕ СВО

РЯДОВОЙ ОТ 210 Т.Р.
СЕРЖАНТ ОТ 232 Т.Р.
ПРАПОРЩИК ОТ 292 Т.Р.

Мяканд' тутава"

Сяхаринда ханярина соявы, вадёвы нэбата", техэ паңгара" мэбепата, сидта" тарем' нод" нэкалпаңгу. Хусувэй по' нарво"манда" сер' инда" ну" таняри' сата". Тарем' навна нарка ненэця" манзеты". Ненэсянда нод" тарця нэвы.

Пудана по' нарка харад" ядхана ея мядо мярыбада" нокма". Пыдо' манзаяхатато' нылана таниядэрна". Нани" тамна ехэрана" несэй" серо минре" мядондаха" нэрм' тер" илам' манэ"лабтамби". Тикамдо' мирнэ мэн"jado'. Тикахана нямгэхэрт вэвада яңгу, ханяцей' жока хибярихи" харе" иландо' саирм' манэ"лабтамби".

Тасу' яв' няна Хальмер" Седе' хэвхана тарця" мяд" мале таниякуна нани' нэдимяць. Таняна ненэй ненэця" мэ", пыдо' мядонди манзая"на". Ноб" нарка мя" Яндо Илья Васильевич' мяд' тер" мярвы. Пухуцянда ня нэсыди' ныхы ян' нэди. Светлана Андреевна минрена серти' тарем' вадэ"надась.

–Мань мале пон бухгалтернэ манзарадамзь, тарем' нод" выңгана соявы, вадёвы нэсы ими пили" вынд' нэсь. Янамбовна вэсакони ня тарана иңут' хамынннз, невхы илни саирм' нерня' нобкана минре пянннз. Самляңг по' тяхана нерде' мя"ма" хар"на" мэ"мана" е"эмня палнаваць. Ныхы яхана нэвна" сибемя", нина" ядабтамбавана" няю' нэсым' сертаваць. Небо' пявы манзаями несэйвана минре тасламинз. Мядондина" тания' ма"ламбива", поңганандо' ханяңыдо' сяхаңгарт' ненэй мякана мэвдавэй". Хальмер" Седе



хардахана илена" поңгартахана тарця" танявы".

Нэсыва" Тазовской хардахад луца" няхар" нэдалава" пиркана на. Та' хибяри" яда тэворць пирнадо'. Сыра' мядонда" ханяңэхэна еся ханхана тэврамбина". Ненэциена" тэри нэворць ни" тур", пыдо'



хой' иланд' харто' тоходана". Не" манзай сертаба, тум' пята, корм' саба, харвобта сэдора хорпидо'. Хасава" нэбата', пихиня хасев няханато' мэсеты", мирта ненэцяңгад тохолкосеты". Тарем' няндо' илна" саирм' тамна тяха' тэврамбива". Тарабата ханзер" выңгана, тэхэна илевава" вадэ"нава". Сяхари' мякана" турць пиртара", ненэйвана мяд' мюня сенаси", харад' ила' хумнахад нылаңгуда".

Ненэцие ненэй нэврахана нэвламбина". Халы", нэябад", пиревы нэманз", нодя" танясеты". Мядонда" ёльце харвобтэйдо'. Луца" хуркари мэкад нэвэ хонрамбасеты", неноховавна хойхана ханзер" матвава" намдаван' харвасеты". Тяхасовна вадэцетына". Жока хибя" илам' торомдаванз, нани" тэри ныланаванз турцеты".

Тарем' мядм' мяраб", тикамд хусувэй яля' манэ"сартар, хад' пуд яңгатар, хэвхэмда сырахад сираңгур. Та' – ну' тэс" танясеты", мянуванандо' нани' мая' нэсеты".

Маня" нод" хар"на" мяканана" илна" саирм' нэдава". Мядондина" хэм"мяхад мяна" мюйм' нибтрамбасетыва".

Тодо" яхат турта" ненэця" хуркари" нэ"ним". Иңуканандо' нэмангэ" нэдакы", маси" сямэй" ё' нямна ядэрмакы". Тикы" серона" етри' минрейна". Хойхад нина" нани' турцеты". Яханана" сыв' ненэциена' балок мэ"на", нэдьбэята ненэй мят' туюгвава нянандо' мале нюрцям".

Тарем' ненэцие мядолава' няю' теда' округханана" хуркари" тарана" тохолкова сертаби". Тадно" нэрм' тер" илам' манэ"ман' харвана" жока". Тарця" ненэцяңгана маня" илма" мэкад, няндо' жока нэмангэм' манэ"лабта, вадэць сава. Небо' сельбя' няна Новой Уренгойхана тохолкуваць, намдавына" манзаяханана" нэд"ма" нэвыць.

Тадри' тамна нэпой мядм' мярван' харвава". Ненэця" жока нэб", хутолараңгасетыва". Ненэцяндами-нядаңгодадами ханаңгудм', нэпойриңэ сидя мяд' сер' санарць тоена. Теда' ханяңэхэна не нюми, небями нэдаңгосетыхы".

Илья Васильевич, Светлана Андреевна саць тарана манзаям' минрежаха'. Сяхаринда нэсынди' нэсонд' нэда сехэрэди' нэя тохоңг". Мяк" туртиди" тамна сававна ненэй ненэцяңэ илма" тохоламдо'.

Марина Ярой' падвы





Кулкади” ңычимчеңа”

Мат’ номинации”, дюдкат в’та мяналта”. Пуровский’ районхана дидина” неша” фестивалян «Семь цветов радуги» ңомаш”. Кальтуң тэмстун дилм хомана чедимяна”, шодюта”, медь неша” мяналмантуң мэты Талкан тоңаш”. Чики фестиваль манде мат’дянкня мэмаң Талкахана мэңатуң. Ѓалтана” ңашки” выңкай дилм, дискай шеду” дюлмаң” тай”хана шелтамы. Шанат калгыхит мэна” ңука тэмс неша” поңкнатуң мяналмантуң мэт тоңаш”.

Пуровский’ районхана дидина” нешади” культурам маньманьч мэт Томскат мэнахаң капейнехаң мячидельш томэхэң. Пыч’ маньштухуң: чики фестиваль дельше вильяңа, конкурсхана кулкади” маньңахаң. Мяналта” мат’ номинацихина” мяналяш”. Тотун хомана ңанатамэт. Фестивалян томы” маньшту”, талдыша конкурс’ чуки ноптухуна ңадкамана тада. Мяналта” кулкади” ңычимчешту”.

Чуки похона кыңута” ңукаш. Кальтуң ватаманантуң кыңуңаш”, шиниңкуй кыңсу” мэңаш”, души” кыңсу” кальтуң ватаманантуң мэш” мяналяш”. Кыңумантуң камна мяналта” шиниңкуй вандат”, шутпядсу” нямна постановки” ңычимчеңаш”. Паныдю” дет ңайта конкурсхана хятмайтуң паныдетуң ңычимчеңаш”. Шанат медь демьпчал”: матамэй паны”, мюй”, кумши”, таңат, мымай хамма”, мэкатамна пытыдмы” ней дяднас.

Чикиң камна конкурсхана мяналта” лусаң паныталям шелтамы” стилизованный” паныдю” ңычимчеңаш”. Хятмайтуң ңамыкутоң дельше медят. Паныдю”



Татма: А.Пяк таттамы



камна мидсатуң ңычимчемпюта” демьпчалутуң хоманаймямэт кулкади” ниңвидя”, тувшаку”, патку” няампиш”. Выставкан тамытуң хятдетуң ңупчики медят”. Кулкади” мэкат тувшаку”, ңочакой ниңвидя, паткууди”, матамы”, сувенир”, нешади” выңкна диле мэта” ңамыку” – тыньшаң, кал, шаны”, пишику”. Мят’ дет ңайта конкурсхантуң мяналта” ңупчики хомана ңанатамэт. «Мой очаг» нимита номинацихина няхал мяналта” – Калпюдкат мэна” «Снежный» клубхана мансланна” неша”, Калясамэхэт томы” «Романтик» нимита ДКхана мансланна”, Пуровские изьватасхана мэна” «Палызнича» ансамблян канта” ңысма”. Кулкади” ңамсадыта”

ңамлу” пидимай”. Писанатуң ниня каляхат, ңамсахат пидимы” ңамал”, шанат ңочи” тэмс, кулкади” нянь таяңаш”. Чики мытуң ңамэхэт шелтамы” ңаймям, мякнатуң ңамы таяңаймям – чупей мячинта” няхатоң вачадятоньш. Мят’ дет ңайта конкурсхана тай”мана хомана мяналяш”, чупей ңайвахай местан каамдыт. Фестиваль «Семь цветов радуги» шича дядяң миньдяш.

Чуки похона ңай дety” ним” ңычимя”. Пиди хома”, вильта” выступленитуң, кыңуш, талаш мэмытуң номеротуң нимимты дядяхана Гала-концертхана ңычимчейтоньш. Хомана мяналды”, конкурс’ мат’ номинацихина ңайвахай местам

канамы”, тотун патлу” – диплому” нямаляш”. «Семь цветов радуги» ңалка Гран-при мячисэм Талкахат мэна Таисья Аппавна Музыкантава няамңата. Пыґта кулкади” мымкат хятмы паныдю”, пеми”, хамми” ңычимчеңаш. Фестиваль хитай, шича пуң каймахаты дилмтуң, культурамтуң ңычимчечан хата” мяналмантуң мэты” ңай ңопт ңомты”.

Таньше мяналда «Народы Арктики» нимита проектмана шелтамы.

Хэдкат мемы мя”

Мюнта чуна” Ѓэдм’ чел” нешади” дилың, культураң нямна ңайта дедимяшу”, вандат”, шутпядс” намташту”. Тарко-Салехана дяхаң даңк няңы шелың кявхана хэдкат мемы мя” патды.

Пуровский’ районхана талдыша мят непой похот ңамтампюды”. Дety хэдкат мемы фигуры” кявхана ңа. Нум пэмшамш, ламп” тавсмахат Таркахана ңайта хэдкат шелтамы мя” тай”мана тулянешту, хэмшей кыдюштутуң. Чики мякна Пуровский’ историко-краеведческий’ музейхана мансланна” мячинчетуң дятапташтутуң. Пытоң экскурсии” миндеш кулкади” вачашту”.



Татма: А.Пяк таттамы

Чики мятуң мюня пяхат мемы нешади” шана’ку” тая”. Шиңкнатоң пеншалталям шелтамы ңалка пэшкодяй ңыты. Таньяң чулта” чики пэшком пеншалталям дю-

таштутуң. Маньшту”, таньше мэш ңамэн ха’мамтуң винтуң ңыдна вашту”. Музейхана мансланна” хэдкат мемы мят мюня” экскурситоң шанат программамна” миндештутуң.

Садикан канта” ңашкиудехеэ”, нюча” классхана” тоходкотаха” шутпядсу” вачашту”, Ѓэдм’ чел” нешади” шана’ку” ңычимчешту”.

Чикиң пут непой «Пуровское сияние» нимита конкурсхана мяналчи” хэдкат шелтамы” фигуры” няң кяшту”. ңалка ңашки” поңкна

квест’ «Леденящие истории» мэшту”. Дяхаң даңкмана дятельш таньше шана’кош мянадьшту”. ңопумана мячидельш тутта” нешаңк Ѓэдм’ чел” нешади” дилдивсум вачашту”. Хэдкат мемы мя” чешча ңумлихина манслашту. Манслама дядяхана ңуп дядяң пятницахана хампдяңк часхат шеэв час дельшат нэйшту, нып-такома дядяхана” – чет’ часхат мат’ час дельшат манслашту. Хэдкат мемы мят мюня манде ңука экскурсим шелтаңаш”. Таняң кайна” майпеш ненэй мят чушту”.

Таньяна мячинта” Ѓэдм’ чел” нешади” дилдивсум вачатахат” ңука ңамым намташту”.

Илко

Ита Җабтена яв' лаңгхана ха-сава җацекы хаданда' ня илевэхэ'. Хадада нюмда Илкоҗэ нюм-дебавэда. Илко тэда Хабткода тания, таддикахад вэнекоцяда – Хакцяда. Хусувэй хубтахана Хабткомда подерцеты, вымна җэдалерманзэ хэсеты. Хакцяди' няданди' ни хаюрцету". Тэри вымна ни җэдалёрцету", пыда нув' ханеди нядабандаҗэ тара. Җэдалерманда сер' җамгэ маянд' еремым' хобата, нядабиди.

Небяюда, нисяюда нюдя җэванда мальгана яңгумэхэ'. Нюдяко җацекым' сэр" явэко ховэда, пили" яв' хэвхана җобҗэ илена нен' тэвравэда. Тикы нем' явэко җоб" яв' лаңгхана ядабтам-бавэда. Некоця явэкон' җавраку хаесетвы, таддикахад мунзипой" пырдары' мяканда хэсьтавы.

Хибя сита илебтевам' Илко хамедамбавэда. Җадьбята пыда хусувэй маянд' еремы нув'

ханедаком' нядабиди. Җобҗуна мята хэвхана җэмда мальвы су"ляком' хось. Тикы су"лякомди' савумдади', Хабткоҗэ нюмдеди'. Тарем' хасава җацекы нув' ханеди" нядабандаҗэ хая.

Җоб' яля' пыдо' тарем' җэдалермандо' сер' неро' пахаңгад яртам' намда". Тикахад тэваси' нюкцям' хо". Неро' пахаңгана ва"на ярмы.

– Җамгэр хадкэй"? – Илко хонрада.

– Мань небями ё"җадм', җэми ланзяртедм'.

– Нён яр", тэвасико. Мань сава нями сит нядаңгу, – Хакця ма.

Илко тэвасиком' янамбовна хан' ни' мэда, мяканда җэдалэй". Илко' хадам' хонраванзэ Хакця неранди' няна хая.

Хада' мякана пили" хуркари" җамдэкат сертавы сый таниявы. Тикахананда хабцяңо савум-дамбавы. Тэвасико' җэм' хада

сумдада, небясяда тэвасиком' нянандо' иле хаедо'.

– Ханзер" выңгана җопойҗэ еремзан? – җобаңгуна Илко тэвасиком' хонрада.

– Мани' небяни' ня тюкон' җыхы яхад җаврадми' пось тэвы-нинзэ. Җани" нини" мяканандо' нисянандо' хаиць. Небяни мунд' нидамзэ намд", җопойҗэ ся-накованзэ хаядамзэ. Танияна сармикм' манэць нявотавани сер', җэми ланзяртедамзэ. Небями хось я"мавась. Тарем' выңгана җопойнэ хаидамзэ.

– Тэвасико, җацекы харта вы-мна җарка нясипой" ядэрпата вэва. Җарка ня' мунд' инзеле тара. – Илко тарем' тэвасикон' ма. – Тедахав' нянана" иле".

Тарем' Илко җани җоб" сава нядамда хо.

Эмма Вануйто'
падвы

Не Парнэкуй

Не Парнэкуй
Җули" нэлана.
Не Парнэкуй
Тэри тырсана.
Нюдя тэта Пякм'
Хасавам' хамза,
Не Парнэкуй,
Не тамра.
Е" хаделаха
Җэванда тарьям'
Хада тимбҗада.
Җэва тырсоре"э.
Тибей панэнда
Нэлуи җобда
Тюнда мювна
Хоб сыңҗада.
Тибей панэнда
Панэнда сия
Иня сярө"яда.
Иня терь"яда
Не Парнэкуй
Не тамра,
Хасава' хэвувна
Не нэлана.

Еся җано' хэ"мя

Еся җано' хэ"мя
Сехэры' мюй
Сэред' ёльцянд'
Я ныклавы.
Тикы хадёхав
Еся җано' хэ"мя.
Яна" җаякоко
Җули" хаделавы.
Тикы мерёхов
Хахаяда по'
Я' хоба' ний
Ни тарасяту".
Неро" мардо"ма,
Җуво" ныддо"ма,
Җобтикы ян'
Ни вадёсету".
Вы' яна" хадё
Нядасяда я
Пон' хобасяңгу.
Маси" җэхэя"
Җэрм' я' ню"
Ямдо' лэтраңгу".

Яля' сэв не

Яля' сэвкоко
Си"ив җэботгана
Җэрм' яна" сейм'
Пыда юдабиди.
Сыра' ёльцьҗуна
Сята җадимбата
Яля' ямбомзеты
Җэрм' яна" тер"
Хаеракоцян'
Җули" майсеты".
Яля' сэвкоко
Нуво" сёрхана
Писавэй, яля
Пили" сюрсеты.
Яля' сэвкоко
Сэр" паным' мэць
Вы' хой" нина
Пыда җэдалёрҗа.
Хаерад' не
Си"ив җэботгана
Хой' сюмб' ни'
Җани' җадиберҗа.
Җэрм' я' тер"
Хынобтамбаҗадо'.
Сёто' харахана
Пыдо' вадё"җадо'.

Надежда
Салиндер' падвы



Сидяңг. М. Ярой' гадтавы"

Ямб иңут' ховы" вада" ↩

- Нумрана ненэць' пыяда тюр-дарев' паллы.
- Сярка' малда яңгу.
- Тынзэ мэта вэнеко яхадехэд мире.
- Хоркы җамзахад юр" ни җадимд".
- Пэдава ненэць' пэвсюмя' няна пэта, лэсё – хуняна.
- Ты нядахад нерня' миңа, тюрхана нерня' питарпада ни җа".
- Сармикм' пилюта тэдрев' пыдар җо" вадензик ненэцьм' пилюс".
- Нюсавэй тым' хадана ненэць' тэн' ни харва", тым' ни тарус".
- Паныта идес" җобт' ни"

- тэвор" (тарем' саңговота нем' вадэць манзеты").
- Са"лако ненэць' иньдя җу" тиртя сармик и' җуд җок".
- Җамгэри манзаям' еңгаханда ёпида.
- Сидяда сэвда лата сята ерня ябта пяңгар еналмэраха". (Сядота ненэцьм' вадета).
- Пэсаля" тумдувдавэй хаюрҗа" (тамбирувнанда мимбнанда мереҗа).
- Тиртяханавэй" пунда терёңга" (мимбнанда, җэдалёбнанда мереҗа).
- Терсяда тив ненэцьм' ман-заян" сулортада.
- Мантадо' ва"лта, яхад лэтры. (Ламдо ненэць' ед').

- Сидя ябта тяңгахаюда харв паңг' тяха' тыси' нэкалцядаха'.
- Нарэй нум' пирибця сёнзья-раха: теда' сава, пунако' вомда.
- Җарка мякнанда манзараб"-нанда нюмдя пюняраха (ман-зараб"нанда са"җа).
- Җамза сакнанда туда вуни таян".
- Харп ту муңгартан' ни ярё-сяту".
- Толни' пирувна җамдэми иле. (Җаврахана ханзоць иледм').
- Пудана вадида нидо' нертем-би".
- Мирци" ладвы" поёдо' хом-би".



Вадава" тохоламбива"

Едэйкохо', Саванехэ' нобт' тэвавэхэ'.
Лахарёди' ямб.

Знакомство

Здравствуй!
Здравствуй!

Как тебя зовут?
Меня зовут Едэйко.

А ты Саване?
Да, я Саване.

Как твоя фамилия?
Моя фамилия –
Вануйто.

А какая у тебя
фамилия?
Моя фамилия –
Сэротэтто.

Где ты живешь?
Я живу в Яр-Сале.

А ты живешь в
городе?
Да, я живу в городе.

Когда ты приехала
в Салехард?
Я приехала вчера.

С кем ты приехала?
Я приехала со своей
семьёй.

Где вы остановились?
Мы живем в
гостинице.

Поиграем?
Да, поиграем!

Погуляем на улице?
Пойдём!

Какая сейчас погода?
Погода очень теплая.

Торомдаҕова

Торова!
Җани' торова!

Нюмл җамгэ?
Мань нюмми Едэйко.

Пыдар Саванен?
Җаха", мань
Саванедм'.

Еркараp җамгэ?
Мань еркарами –
Вануйто.

Пыдар еркараp
хурка?
Мань еркарами –
Сэротэтто.

Ханяна илен?
Мань Яр-Салыхана
иледм'.

Пыдар маркана
илен?
Җаха", маркана
иледм'.

Сяха' Салехардан'
тосан?
Теняна тодамзь.

Хибяхана тосан?
Мяни тер" ня товаць.
Хэхэни'!

Ханяна мядоҕада"?
Маня" мядонзь
хардахана илева".

Сянакодани'?
Җэя, сянакохони'!

Пин' хандани'?
Хэхэни'!

Нумда хурка?
Нумда ёльце иба.

Җацекэхэ' лахарё' пуданам' тад җадиманда юн'
падаркана толаира".

Марад' илам' торомдамби"



(Нюртей пеляда 3 стр. җа)

–Марад' иланд' ниня торомбэйха"на тоенарка, интернатхана илена" мер' тухурҗа", мято' терхат җаха"на мэвадо' нянандо' ни со". Неновна җобанзер" ни до' сянако няць тоходана". Ехэрана" ненэцие" поҗгана иле пир"ма, еся мэць теневава җани' саць тарана" җамгэ". Лабкан' тэмдорманзь ханцеты", небянадо' нисянадо' есядамдо' җэдаравы" җэсеты". Таддикахад телефондо' таславэри часхана мэ"җа". Тикы нянандо' саць вэва, нерняхаванда сертамдо' хось я"ма", пунахав тухурҗа".

Мел' некоцяхат хонаркудамзь. Ханяд җэвамдо' ваде"җаць. Ханяҗыдо' ненэй вадам' хамэдамбавыць, тикахад луца вадаривна лаханаць. Виктория Хороля няби Ангелина Сэротэтто Панаевскхад товэхэнзь. Виктория нюртей мэва яланда марг' тэвавы":

–Мань етри' мяни тер" ня' җэдалёрцетыдм'. Теда' хар"н ядэрҗадм'. Тюкохона интернатхана иленадрев' илева", ялена" ханзоць хан"җа". Саляҗгардахана ёльце савахав сава, җопой" мякани харбелыв". Харад' помна сидна" ядэла", едейкованзь хан"җава", пихина сянакува", хуркари" тохолковаха"на мэва", ныланавахад ехэрава".

Ангелинам' нита җарктаҗэ тэравэдо':
–Минрена сер"ми саць ни тоена". Хубтахана нини сидебасетыдм'. Иськаб-тэда пуня' пэрцетыдм', воспитательм' нядабасетыдм'. Тикы' хавна сяманхат варемдо' мэ"мэхэ", харбёхо" ненадо падроко мипасетыдм'. Хибя җокавна



жетон ма"ла, нерняри'
җэдаҗэ толёда.

ХУСУВЭНДО' ХАРВАБЦОМ' ТАСЛАМБИ"

Няби лохо' мяня мале җокадонзь. Табхад варҗэм' сертабавыць. Тохолкода" ямб

толь' тяхана җамдыць. Поҗганандо' җопойри хасава җацекэсь. Сёяха' няд җэвысь, нюмда Владислав Вануйто. Табм' ман"паванда, нялпаванда серлаханась:

–Мань няхаромдэй классахана мэдм'. Выҗгана мэбни җани' табхад хуркари җаво серта пирцетыдм'. Тюкохона халям', сий' хыдыам', я' хорам' сертаба тухудм'.

Ханяҗы" пионербол, баскетбол, волейбол сянакубц тэравыць. Яҗга залхана мэць. Хасава җацекы" мяч' пумна сюрбертахандо' сядодо' нярмавыдаць, футболхана сянакодахандо' ёльце нёховыць. Ма"нисям": «Маня" юнета себарҗэ хэван харвава", җадьбьята «Спортивные игры» тохолкован' пыхыдана" падынаць».

Тамна җаворманзь ядэрҗаць, җаволавамдо' манэ"җадамзь, ёльце таҗго җэвысь. Яляхана сиддо' самляҗг мэва җавламби", няндо' хуркари сава җавар" мипи". Пуна пихина сянакованда" җэвыць, тикахад тецьдахад мякана мэсь тасладонзь. Эстафетан' сырма нянани җули" савась, сяхаҗгав' җани' сидто' тотрев' нертенҗурцетыва".

Анна Яптик'
падвы

Газета «Няръяна Нгэрм»	Главный редактор Яр Марина Тэтакучевна	ГЕНЕРАЛЬНЫЙ ДИРЕКТОР АНО «Ямал-Медиа» Зулинова Мария Андреевна	№ 5 Подписано в печать 30.01.2025г. Вышла в свет 1.02.2025 г. По графику: 16.00, фактически: 16.00.	ПОДПИСНЫЕ ИНДЕКСЫ: на год – ПА701, на полугодие – ПР562.
---------------------------	--	--	---	--

Учредитель – департамент внутренней политики ЯНАО (629008, ЯНАО, г. Салехард, пр-кт Молодёжи, д.9, каб.708).

Издатель – департамент внутренней политики ЯНАО (629008, ЯНАО, г. Салехард, пр-кт Молодёжи, д.9, каб.708)

Газета зарегистрирована – Управлением Федеральной службы по надзору в сфере связи, информационных технологий и массовых коммуникаций по Тюменской области, ХМАО-Югре и ЯНАО от 19 апреля 2012 года.
Регистрационный ПИ № ТУ72 – 00559

Тираж 3600 экз.

Заказ № 0083 (тираж 3600 экз.) отпечатан в АНО «Ямал-Медиа»
Юридический адрес: 629003, Ямало-Ненецкий автономный округ,
г. Салехард, мкр. Богдана Кнунянца, д.1, каб. 106

Фактический адрес: 629007, Ямало-Ненецкий автономный округ,
г. Салехард, ул. Чубынина, 39А

Газета выходит по субботам.

Цена годовой подписки 166 руб. 84 коп.

В розницу не распространяется.

Адрес редакции: 629003, ЯНАО,
г. Салехард, мкр. Богдана Кнунянца,
д.1, каб. 106
тел. (349 22) 4-53-32

E-mail: nn@yamal-media.ru